



Inatsisartunut ilaasortaq Debora Kleist, Inuit Ataqtigiit
MAANNI

Arctic Prime Fisheries ApS pillugu § 37 naapertorlugu Naalakkersuisunut apeqqut nr. 2012-064-mut akissuteqaat

13. mar 2012
Sagsnr. 2012-062687
Dok. Nr. 842453

Inatsisartut suleriaasianni § 37 imm. 1 naapertorlugu ingerlatseqatigiiffik Arctic Prime Fisheries ApS ingerlatseqatigiiffiullu taassuma Kalaallit Nunaata Kujataani ingerlatai pillugit apeqquteqarsimavutit. Apeqqutit uannut akisassanngortinneqarsimapput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqqutit:

1. Artic Prime Fisheries ApS-mit nunatta kujataani tunisassiorfiit pigineqartut, Naalakkersuisunit suleqatigiinissamut qanoq pilersaarutigneqarpa?
2. Artic Prime Fisheries ApS-p Nanortalimmi tunisassiorfiutaa ammaqqinnissaanut Naalakkersuisunit qanoq pilersaaruteqartoqarpa?
3. Artic Prime Fisheries ApS-mit angallatit avataani aalisartitaasa akuersissumik tunineqarnermut atatillugut suut piumasaqaataappat?
4. Nunamut tulaasuinnissamut pisat %-anik pisussaaffiliisorneqarnerpa? Nunami suliffissaqartitsineq eqqarsaatigalu.

Akissut:

1-imut) Apeqqutigisannut siullermut nalunaarutigisinnaavara, Naalakkersuisut ingerlatseqatigiiffiullu Arctic Prime Fisheries ApS-ip akornanni suleqatigiinneq ingerlanneqartoq aalisarnermi ingerlatseqatigiiffinnut amerlanerpaanut allanut suleqatigiinnernut assingusumik pissuseqarfigineqarmat. Suleqatigiinneruvoq, pingaarnerusumik aalisarsinnaanermut akuersissuteqarnermik aamma pisassiissuteqartarnermik ilisarnaatilik, imaasiallaannarlu tamatumap allannngortinneqarnissaanut pilersaaruteqanngilanga.

2-mut) Soorlu saaffiginnissutinni oqaatigigit ilaatigut Arctic Prime Fisheries ApS Nanortalimmi tunisassiorfimmik pigisaqarpoq. Ajuusaarnaraluartumik tunisassiorfik ullumikkut matoqqavoq, KANUAANA-llu nalunaarutigisimavaa, Nanortalimmi tunisassiorfimmuut tunisinerit kingulliugallartut september 2009-imi ingerlanneqarsimasut. Nanortalimmi tunisassiorfiup matuneqarnerata kingorna innuttaasut erloqinartorsionerat annertuumik paasilluarsinnaavara. Tunisassiorfimmilli ammaqqjissinnaaneq namminersortutut inuussutissarsionermik ingerlatsisumut niuernernullu tunngasunik suliqaarnissaq nammineq ingerlanneqartussaavoq, taamaattumillu suliassaq tamanna Naalakkersuisut akuleruffigissallugu pilersaaruteqanngillat.

3 aamma 4-mut) Arctic Prime Fisheries ApS sinerissamut qanittumi avataanilu aalisarsinnaanissamut aamma pisassaqsinnaanissamut atugasssarititaasut umiarsuaatileqatigiiffittut allatuulli assingusunik akuersissuteqarpoq.

Umiarsuaatileqatigiiffilli avataasiorluni aalisarnerup ilaanut arlalinnik piunasaqaatitaqarfigineqarluni aalisarnermut akuuvoq, tassunga ilanngullugit pisat tulaanneqartarnissaannut piunasaqaat. Assersuutigalugu umiarsuaatileqatigiiffimmit qalerallit avataasiorluni pisat Kalaallit Nunaanni nunami aalisakkerivinnut 100%-imik tulaanneqartartussaapput.

Nanortalimmi suliffissuup ammaqpinneqarnissaani soorunami naatsorsuutigineqassaaq, taassuma naammaginartumik tunisassiassat pissarsiarisarsinnaassagai tunisassiorfik akilersinnaasumik ingerlasinnaaqqullugu. Aalajaatsumik pilersuinerit qulakkeernissaannut periutsit ilagisinnaasaat unaavoq, uanga aalisarnerup tungaatigut Naalackersuisutut eqqarsaatigisinnaagikka tulaassisussaataitanerumut malittarisassat allanngortinneqarnissaat. Tamanna unaasinnaavoq sumiiffinni aalajangersimasuni pisanik 100%-imik tulaassisarnissamut piunasaqaateqarneq. Pissutsit taamaattut soorunami sukumiinerusumik aalisarnermi kattuffinnik attuumassuteqartunik oqaloqatigiissutigineqaaqaassapput. Naggataatigut erseqqissaatigissavara, tulaassisussaataitaneq pillugu aalajangiisinnaaneq aalisarnermi pineqartumi akuusunut tamanut atuuttussaassammat.

Inussiarnersumik inuulluaqqusillunga

Ane Hansen